

~~XI.~~

3

GEORGII ERNESTI STAHL,
CONSIL. AUL. ET ARCHIAT. REG. MED. ET RERUM
NATURALIUM PROF. PUBL. ORDIN.
&c.

PROPEMPTICON INAUGURALE
DE
ANTIQUA VERI-
TATE ARTIS
MEDICÆ.



.IX.

3

THE UNIVERSITY OF CHICAGO

LIBRARY

1911

1911



ERITAS circa res na-

turales, uti non solum simplicissimum aliquid esse solet, sed etiam ipsis rerum naturalium constitutionibus ita *inditum* atque *insitum*, ut quamdiu hæ à condito mundo extiterunt, hæc illas tanquam indiviso comitatu, stipaverit; Ita ab omni

tempore, à quo homines rationis compotes, ad harum rerum solertiolem observationem animum applicuerunt, non potuit hæc illos ita tota præterire, quin ad minimum *eminentiorem* ejus conspectum animadverterent, & ad posteritatem celebrarent. Quamvis enim negari minimè possit, quod antiquissimi mortalium, vitæ atque morum simplicitate contenti, minus curiosè res, ad hos scopos minus pertinere visas, ad animum atque contemplationem revocaverint; & posteriorum demum seculorum, primo forte vitiis, sed etiam inde pullulantibus magis magisque necessitatibus, plurium rerum naturalium aliquanto curiosior observatio, & pervestigatio increbuerit: tamen, si res tranquille, & sine præjudiciis, in sola probabilitate aut suspitione fundatis, perpendatur, neque circa hoc negotium obscurum erit, quod *duplici classe* circumscribantur omnes illæ annotationes; nempe *primò*, observationum è nihil necessario usu, sed sciolo solum, incauto, luxurioso, fastuoso, abusu, resultantium: *secundò*, curiosiorum quidem scrutiniorum, sed ab hominibus ita *paucis* institutorum, ut nec illi *soli* omnia satis exactè perficere potuerint, nec *subsidiis* etiam ad tales scopos absolvendos, soli suffecerint. *E priorre* classe procescit scientia, parallelismum retinens cum causa sua, vel occasione; ut videlicet non plus hac via inno-

tesceret, quantum quàm in præparatione & aptatione ad illos scopos occurreret: aut ex usu talium rerum consequeretur, atque dilucesceret. *Posteriorem* classem, limitibus certis circumscripsit, necessitas variorum remediorum & *instrumentorum*, ad penitus scrutinium passim absolute necessarium: quæ neque *invenire* tam promptum est cuilibet, avido licet & solerti, ingenio, *uni* eidemque, *soli*: nec mente destinata & efficta, effectu ipso elaborata præstare, & perficere. Cui rei accessit illa difficultas, quod posteriores, magis propemodum in *admiratione* rerum ab antecessoribus annotatarum, subsistere maluerint; imò, ad has ipsas etiam comprehendendas, non parum temporis impendere necesse habuerint, occasionibus etiam ad hanc solam confirmationem varie deficientibus; quam ut vel voluerint, vel potuerint, tralatitia illa scrutinia, plus ultra *persequi*, & scientiam altius eruere aut polire. Quæ res nenudis suspicionibus superstrui putetur, efficit vel *postremis* his temporibus notissimus circa tales ausus *defectus*, ubi, licet affatim sit manuariorum artificum, tamen passim inventiones *mentales*, veram potestatem artis mechanicæ transcendant; aut necessarij *sumtus*, aut reliquæ commodæ occasiones, tentamina quantumcunque bene consulta, cohibeant & retundant. Interim autem etiam qualiscunque usus, imprimis *politicus* & de pane lucrando, aviditatem hominum impellant, ad res, longe ingeniosiore *comparatione* indigentes, *intempestivè*, tanquam decreto aliquo obsignandas; ut ubi illi defecerunt, aut à proposito aberrarunt, aliis felicius aut circumspectius in eadem re versantibus, nonnisi molestum hinc evadere possit, sive plura, sive imprimis alia, monere aut ostendere. Quamvis autem hoc, circa *multitudinem* rerum solidè declarandarum, ut hodieque valet, ita ab omni tempore valuisse, maxime probabile fit; non fefellit tamen *generaliorum* veritatum evidentia, ullam propemodum ætatem, quin de illa jugiter omnes consen-

ti-

tirent, quotquot ad observandum & experiendum animū ad-
 jicerent. Ut hujus rei exemplum asseramus, ex intima antiqui-
 tate, quoad monumenta suppetunt, depromptum, circa con-
 stitutionem omnium atque singularum huius universi rerum,
omnes consenserunt, quod rerum, quomocunque in sen-
 sus incurrentium, partim *materia* certa & idonea sit & esse
 debeat; partim *actus* quidam, materiam hanc *agitans*, &
 pro sua habilitate *ordinans*, *distribuens*, diversimode *di-*
sponens, *coaptans*, *componens*. Hoc *activum* principium,
 alii *Divinatem* appellarunt; alii *Mentem*: utrique tamen
 à *materia* ipsa *distinxerunt*, & huic ita *præfecerunt*, ut
 tam *actum* in genere, à *potestate* illa *eminente*, quàm *ordi-*
nem atque *gubernationem* actus, ab *intellectu* quodam, ad
 varios effectus respiciente, arcefferent. Alii verò ita qui-
 dem *alligarunt* hanc *activitatem* ipsi *materiae*, ut ab illa se-
 parari non posse contenderent: interim tamen nec eo ipso
 illud negare sustinuerunt, quod *activitas* illa, licet à *ma-*
teria non discedat, tamen non sit *ipsa* materia. Adeoque
 in eo *coincidunt* cum præcedentibus, quod *activitas* hæc,
 sit aliquid *sublimius*, *potentius*, adeoque vel ex lege *acti-*
onis atque *passionis*, *dignius*, quam ipsa *materia*; cum hæc
 nihil utique sive ordiretur, sive perficeret ac absolveret,
 nisi *activitas* illa illam *agitaret*, ageret, ferret, impelleret,
ordinaret, *distribueret* & *disponeret*. Ne verò nimium
 se diffundat consideratio nostra, placet à *generalioribus*
 illis, circa veritatem in rebus naturalibus, partim animad-
 versionibus, partim consensibus, progredi ad paulo *spe-*
cialiorem aliquam, nempe corporis humani, ut VIVI,
 contemplationem. Circa hanc nota est ab antiquissimis
 inprimis medicinæ temporibus, ad nos transmissa, senten-
 tia, quod *Natura* ipsis dicta humana, & *struat* sibi corpus,
 & illud *administret*, VIVUM, factum tectumque, præ-
 stet & conservet. De quo *activo* principio corpus admi-
 nistrante, *Galenus libr. de Horrore & Rigore*, disertis ver-

bis scribit, quod hoc principium, *calidum innatum* cum temporis dictum atque agnitum, sit, *non aliquid adventitium, aut generatione animalis posterius; sed ipsum primum, primigenium, & verè innatum*: imò quod tam *Natura* ita dicta, quam *anima*, *nihil aliud, quam hoc ipsum, sint*. Quamvis autem absque, & omni usu cassà sit disceptatio, de reliquis respectibus, quorum intuitu *animæ* potestas, cum *actionibus in corpus*, conciliari possit aut non possit; insuper etiam in eo fastidiosa, quod cum hominibus, nec intellectus nec voluntatis compotibus, instituenta veniat: sufficiunt tamen, & nullo usquam modo negligi possunt, *tres illæ circumstantiæ*; 1.) quod *anima*, actu pure *speculativo*, quem *ens rationis ratiocinantis* vocant, potentissime valeat in *materialem* constitutionem corporis agere, experimento omnibus hominibus notissimo, *nevorum maternorum*: & altero æquipollente, *animi pathematum*, in *motus vitales*, involuntarios, vulgo dictos. 2.) quod *actus* etiam *vitales*, ita rationabiliter, seu *convenienter cum ratione*, exerceantur atque gubernentur, ut ad *finem*, conservationem corporis, in genere & specie, quadrat & requiritur: nisi quidem ab *animi* malis moribus atque motibus, turbatio intercedat: 3.) quod etiam *actiones* tales, *necessariæ* quidem omnino sunt corpori, sed nullo alio respectu, quam *propter finem*, nempe conservationem corporis: nulla verò *materiæ* evidente *necessitate*, siquidem toto die etiam manifestò exempla occurrunt, *omissionis* actuum talium, & quidem in casibus, ubi per *quantitatem & qualitatem* materiæ, si ab hac *physicè*, aut corporaliter *mechanicè*, effectus penderet, tanto *fortius* & eminentius sequi deberet. Unde sufficere potest observatio saltem illius, ab omni antiquitate agnitæ & assertæ *veritatis*, quod utique *conservatoria* talis *actuatio* atque *actio*, corpori sit *necessaria*. Tanto magis autem, inde ab omni antiquitate, agnita atque tradita est illa quo-

quoque *veritas*; quod conservatio vitalis, quam plurimum debeat *spontaneis*, nempe ab ipsa *activitate*, corporis animalis *œconomia* indita & immanente, institutis atque gubernatis, *secretionibus & excretionibus*: Quas antiquitas diligenter annotavit atque descripsit, non solum sub historia *coctionis*, & tandem *Crisis*: sed etiam sub interpretatione solenni, quod *Crises*, sint exitus *pugnæ* ipsius *naturæ cum morbo*: cujus *intermedii* successus, felicioris aut infelicioris ultimi eventus præ-nuncii & indices, sint *signa coctionis*, id est, *progressus & eventus partiales & successivi secessionum*, & *secretionum* morbidæ materiæ; quorum proportioni tandem respondeat *Crisis* ipsa, per plenior, uberior, fortior & alacrior, *ejectionem* totius materiæ morbiferæ, nempe *Eccrism* seu excretionem. Cui ita *theoreticè* agnitæ veritati, superstruxerunt etiam totam suam artificiosam *Therapiam* atque *praxin*; nempe ita præsupponentes atque commendantes, *spontaneam* illam *activitatem naturæ*, ut artifex illi omnino *invigilare*, eamque solerter *observare* debeat; & hujus *successui*, secundum proprias eius, ut *spontanei*, mensuras, *subsidiariam* suam operam, ita præstare atque adhibere, ut illi quoquo modo *succurrere*, eamque vel *sublevare*, vel plane *supplere* obtingat. Unde nempe, si hæc constantissima antiquissimorum intentio atque traditio, satis intellecta, decenter pro *Cynosura* præ oculis habeatur, facile erit intelligere, quomodo accipi debeant, tam admonitiones antiquorum, de *spontaneis* conatibus & successibus *criticis* observandis, & non turbandis: quam consilia, de *subsidiariis* suppetiis, naturæ ad tales exitus & effectus contendenti, secundum proportionem processus & progressus ipsius, ferendis & adhibendis: & e propriæ, aut focia, talis *pugnæ* adversus morbum, successibus, tempestive percipienda *prognosi*, quid de futuro ultimo felici exitu, legitime sperare aut time-re

re conveniat. Ex his, inquam, considerationibus, luculenter perspicere licet, ipsi jam priscæ ætati bene notam & notatam *veritatem*, tam *conservationis* atque *propugnationis spontaneæ*, corporis, quæ, exquisitissimo sensu, *Vita* atque *actio vitalis*, appellatur: quam veram *utilitatem*, cum suis conditionibus, imò veram aliquando *necessitatem*, Artis. Hæc ipsa, ab ultima antiquitate ad nos transmissa *veritas*, è fundamento suo recte eruta & considerata, illustrat ὁφθαλμοφανερῶς totum habitum *artis*, & *potestatis* ejus, ad *subveniendum* atque consulendum *naturæ*: & *necessitatis* ejus, ubi suppetiæ hæ, *naturæ prægravatæ* revera ferendæ veniant. Hæc, inquam, veritas de *necessitatibus*, *naturæ humanæ* in suo corpore objectis; & *potestatibus*, propria operatione atque gubernatione his subveniendi & bene consulendi: accidentali autem etiam *possibilitate*, seu potentia, ut *prægravari* possit hæc ipsius *naturæ Energia*: & tunc elucente *necessitate artis*. Interim etiam *necessitas* utique, ut *ars* ad *naturæ sociam* operam respiciat, & cum hujus *potestate*, suam recte compareret, & combinet atque exæquet, ab omni tempore, quæ patent monumenta, agnita est, satis perspecta, & ad posteritatem studiose transmissa, imò commendata. Curiosius autem hanc veritatem observandi, declarandi, & ubilibet decenter applicandi potius, quam solum explicandi, studium, incumbere certè *posteritati*, eò magis, quantò non solum *facilius* est, *inventis aliquid addere*; verum etiam vel sponte increbescentes, vel pari studio conquirendæ, commodiores *occasiones*, magis magisque, vel decerni atque commendari possunt, vel effectū ipso inveniri, & usibus desideratis applicari. Id quod, sicuti de *Medicæ arte*, ejusque non solum *utilitate*, sed passim etiam *necessitate*, præcipuo loco valet; ita nec ad nudam *scientiam*, ubi illa quæritur aut affectatur, minus valet, aut negligi debet: tanto magis, cum *scientia* luculentior

&

& perfectior, *arti* semper faciem præferat, eamque magis magisque, non solum illustret, verum etiam instruat, informet, & confirmet. Possumus ejus rei exemplum allegare, in arte *Chymico-metallurgica*, & *scientia* ejus *physica*; ubi à remotissima antiquitate, agnitum utique atque observatum est, quod *metalla*, *imperfectioris*, nempe *laxioris*, *mixture*, quando connexæ cum ipsis, in eorum mineris, *heterogeneitates* crudæ, *sulphureo-arsenicales*, & *regulino volatiles*, *ustione* ab illis separandæ veniunt, ita quoque ipsa hæc metalla inde comburantur, ut amissa aliqua *mixture* suæ portione quacunque, *fusorii*, qua talis, ignis potestate, in verum metallum redigi, seu, uti recte loquuntur recentiores, *reduci* non possint: (Id quod etiam valet de metallorum talium, jam ad debitam suam metalleitatem atque *tractabilitatem* deductorum, variis ustulationibus, quibus semper portio illorum in similem destructionem, quasi *cinerariam*, fatiscit, ut sunt *cineres plumbi* atque *stanni*, quin vulgo quoque cinerum nomine venientia recrementa *cupri*, & vulgo appellata *battitura ferri*) restitui autem posse corrupta hæc metalla in integritatem *mixture* suæ immediata transfusione per ipsos *carbones*, imò strictiùs loquendo, *confusione* cum carbonibus, antiquissima praxi deprehensum, observatum, & in usum deductum, utique est. Interim *scientia* hujus rei, quæ necessitas hunc agendi modum imperet, imò potius quis *physicus* usus, & corporale commodum, metallis ab hac *commixtione* cum carbonaria substantia, eveniat, in hunc usque diem parum pervestigata atque intellecta fuit. Dum interim adeò familiares, inter ipsos passim speculationem & scientiam affectantes, docimasæ, & ante omnia promptissima illa, *reguli antimonialis* cum nitro exusti, restitutio in *metalliformem* consistentiam suam, per *carbones* adjectos, & momentanea reversio *cinerum stanni* non prorsus exustorum, per frustulum *sebi*, *pici*, aut cujuscunque *pinguedinis*, simplicissimæ hujus rei scientiam, in rudem utique sensum ingerere debuisset &c. Sicut autem de Me-

dica imprimis *veritate antiquissima*, sermonem instituere, præcipue tulerat animus, ita cum hoc præstitum à nobis esse confidamus, non placet ulterius diffundi, sed solum antiquissimæ hujus veritatis solertem comprehensionem, æstimationem, & applicationem ad usum therapeuticum, cujus verum, solidum atque unicum fundamentum est, commendare. Placuit hæc præmittere commendationi, quam à nobis expectat Vir Juvenis Nobilissimus atque Clarissimus,

JOHANNES ANDREAS HAMMERER,

ARGENTORATENSIS,

MEDICINÆ CANDIDATUS DIGNISSIMUS.

Natus hic est Argentorati; Patre, *vũv iv áργείσιν*, Viro Prænobilissimo & Excellentissimo Domino JOHANNÉ CAROLO HAMMERER, quondam Eminentissimi Principis FURSTENBERGICI, Cardinalis & Episcopi Argentoratensis, diversorumque Magnatum atque Statuum, Consiliario & Archiatro, inque Civitate Patria Practico Seniore, ut & Reipublicæ Argentinensis Senatore. Matre vero virtutibus sexum hunc exornantibus spectatissimâ, SALOME, Senis, annum LXXXII. ingressi B. ANDRÆ GREUHM, ejusdem Civitatis Senatoris & Pharmacopolæ Senioris, Filia. A Parente, ab ipsa infantia, non modo in pietatis & morum optimorum exercitio, sed etiam bonarum literarum fundamentis, usque ad obitum ejus, sub Inspectione perpetua & Informatione Præceptorum domesticorum, omni curâ atque Studio educatus. In scholas sic dictas Classicas quoque immissus, Virorumque plurimum Reverendorum, DANIELIS PFEFFINGERI & BRECHTII, S. S. Theologiæ nunc Doctorum & P. P. Ord. Capit. S. Thom. Canon. JOHANN. PHILIPPI BARTENSTENII Logic. & Metaph. P. P. Ordin. ut & Capit. S. Thom. Canon. M. GEORGII FRIDERICI HEUPELII, Græcæ Linguae in Gymnasio florente Præceptoris dignissimi, fidelissimæ Institutioni commissus, & postea in Academia florente Civis factus. Post hæc, Patre Optimo præmatu-

maturè orbatuſ, à Matre honoratiſſima atque perdilecta, uſque ad hunc diem tam multis ac innumeris beneficiis affectuſ eſt, ut merito ſe obſtrictum agnoſcat, grata mente ea in perpetuum celebrare: Inter alia enim, eò etiam, ſpeciali maternâ curâ, allaboravit, ut conſilio ac operâ Virorum Magnificorum, Ampliſſimorum, atque Prudentiſſimorum Dominorum, DN. REINOLDI FRIDERICI, apud Argentoratenſes Reipublicæ Conſulis ac Tredecemviri, atque Univerſitatis Scholarchæ, & DN. JEREMIÆ ADAMI LEITERSPERGER, Conſulis Reipublicæ Argentoratenſis, Patronorum atque Affinium ſpectatiſſimorum, Viro Nobiliſſimo Excellentiſſimo atque Experienciſſimo Medicinæ Doctori & Prof. Publ. S. Capit. Thom. Canon. DN. MELCHIORI SEBIZIO, & poſt mortem huius, Viro Nobiliſſimo Ampliſſimo atque Excellentiſſimo, DN. JOHANNI HEINRICO LEDERLINO, Linguar. Orient. Prof. Publ. Ordin. & Capit. Thom. Canon. Affini Graviffimo, per aliquot annos convictor domeſticuſ fuerit; quò ſimul in humanioribus ſtudiis ac fundamentis Medicinæ firmis, omni ſtudio & fideliffima Informatione inſtrui poſſet.

Qua de cauſa privatiſſima manuſductione prælaudati Nobiliſſ. Viri, DN. LEDERLINI potituſ, ſub ejus auſpiciis Antiquitates, Philologiçæ, aliaque Principia philoſophica, ad altiora ſtudia pertinentia, tractavit, & Diſſertationem Philologicam de *παραλλαγή τῶν ὀρίων*, ſolenniter ventilavit. A Viris quoque Nobiliſſimis, Ampliſſimis atque Excellentiſſimis, DN. KHUNIO Hiſt. & Eloq. Prof. Publ. Ordin. Capit. Thom. Canon., tam publicè quam privatim, in Hiſtoricis & Oratoriis, & ſupra nominato DN. BARTENSTEINIO in Logicis, privatim, & privatiſſimè in Meta-phyſicis; à Conſultiſſimo DN. JOHANNI GEORGIO SCHERZIO J. U. D. & Prof. Publ. Capit. Thom. Canon. in Ethica, Politica, & Jure publico, privatim, optime & erudite inſtructuſ. Hinc *Medica* Collegia frequentavit, & Virorum Nobiliſſimorum, Excellent. & Experienciſſimorum,

norum, SCHEIDII, SEBIZII, HENNINGERI, SALTZ-
MANNI, Medicinæ Doctorum & Professorum Publicorum,
& Capit. S. Thom. Canon. Fautorum, atque Cognatorum,
omni honoris cultu sibi prosequendorum, eruditas & e-
gregias Commentationes, ad Hippocratis Aphorismos,
Celeberrimi Wedelii Theoremata, Physicam Rationalem
& Experimentalem, Materiam Medicam, Chirurgico-Ana-
tomicas Explicationes, tam publice, quam privatim, &
privatissime audivit. Loci etiam herbarum omnis gene-
ris plurimarum fertilissimi, Hortoque Medico pulcherri-
mo instructi, morumque, illorum Cadavera, qui vi-
tam in nosocomio finire, Cultro Anatomico largissime
subjicientium commoditate usus, Excursionibus Botanicis,
& Sectionibus Anatomicis, utriusque sexus, tam publicis
quam privatis, per aliquot annos sedulo interfuit. Præ-
terea Prænobilissimorum & Clarissimorum Virorum, Do-
mini STROEHLING, & DN. Fratrum GREUHMIORUM, a-
vunculorum suorum honoratissimorum, inclytas offi-
cinas Pharmaceuticas, frequentius frequentavit, ut & No-
socomium sic dictum Gallicum, in quo ex Viri Celeberri-
mi & Experientissimi DN. DUCONTE ingeniosis & usu
comprobatissimis plurimis Operationibus, multum profecit.

Grata mente etiam celebrat Virum Excell. atque Ex-
perient. DN. Doctorem NICOLAI, Practicum Felicissi-
mum; cujus eruditissimis discursibus plurimum debuit. Hisce
Prælaudatorum Virorum prudentissimis Manuductionibus
instructus, consulente & permittente Prudentissimo atque
Amplissimo DN. FRIDERICO REICHARDO MOCKEL,
Illustris Collegii Quindecimviralis Argent. Assessore splen-
di-

didisimo, Parente Optimo, & perdilecta Matre, quæ cum hoc ante tres annos secundum Matrimonium iniiit, trans-
acto antea per celebres aliquot regiones atque Aulas it-
nere, 1711. ad hanc florentissimam Regiam Fridericianam
profectus est. Ibiq; in studiõ Medico tum mea priva-
tiore institutione, maxima cum industria, assiduitate, at-
que solertiâ, usus est, tam in Lectionibus publicis, Physicam
& Chymiam, & privatisimè, Cursum Medicum docentis,
quam privatis Discursibus curiositati atque sagacitati ipsius
satisfacientis: Tum etiam Dn. Doctõr MICHAELIS AL-
BERTI, Prof. Publ. Extraord. & Reipubl. Norimb. Phys.
Ordin., cuius & solidam, & planam ac perspicuam, Do-
ctrinam, gratâ mente prædicat; in Lectionibus cum publi-
cis, tum privatisimis, in universum Cursum, & priuatis
Practicis, Chymicis, Casualibus. Alios etiam hujus A-
cademiæ Viros eruditionis Fama Clarissimos audivit, ac
potissimum privatisimè, Dn. CHRISTIANUM FRIDERI-
CUM HUNOLD, quem MENANTIS Nomine Orbis erudi-
tus novit, cujus singularem Favorem multis modis exper-
tum se esse, gratâ mente recolit. Exacto ita hic per omni-
modam indefessam industriam biennio tandem ad usum
atque fructum, è collecta scientia pulcherrima, ipsa praxi
felici, percipiendum, tam proprio instinctu, quam charis-
simorum Cognatorum suasu, colophonem Academicis stu-
diis imponere, secum constituit; simul tamen ad Jura,
Privilegia, atque Ornamenta, dignis artis cultoribus de-
stinata, animum adjiciens, postquam apud Facultatem
nostram desiderium suum modestè professus, & ad exami-
na consueta admissus esset, talia eruditionis suæ docu-
men-

menta exhibuit, ut meritò ad supremum in hoc genere
specimen publicum edendum, liber aditus ipsi pandi de-
buerit. Præstabit hoc DISPUTATIONE INAUGURALI,
sub meo Præsidio, De NECESSITATE ARTIS
MEDICÆ. Quæ cum publicè ventilanda veniat pro-
ximo

Decembris die, ad Actum hunc solennem
honorificâ suâ præsentia condecorandum, omnes, quibus-
cunque honoribus atque Titulis appellare fas est, Aca-
demiæ PATRONOS, PROCERES, FAUTORES, HOSPI-
TES, atque CIVES, ex officii ratione, quibus par est,
obsequiis, officiis, & humanitate invitamus.

P. P. d. XXIV. Decembr.

MDCCXII,



NOBILISSIME CANDIDATE,

FActum est, ut aliquoties, mecum in colloquia descenderes, ex quo, studiorum causa, egisti in Fridericiana. Semper in te animum deprehendi agilem, artisque tuae amantissimum. Mouit hoc collegam nostrum, principem Medicum, ut te ad scholas admitteret priuatas, numeraretque te inter auditores acroamaticos. Probaui hunc studiorum tuorum ordinem prudenter dispositum. Quod praesertim in re medica plurimum praxi eiusque arcanis rationibus dare

re soleamus. Respondet etiam con-
filiis nunc tuis euentus, summa uo-
torum tuorum uitaeque Académicae
gloriae plenus exitus. Prodis in pu-
blicam arenam, unde infulam, Me-
dicis sacram, reportabis. Vrbi ue-
strae, quam ciuium ergo, diu habui
in deliciis, tuí nunc causa gratulor
uoueoque, ut salutaria illi edas spe-
cimina morbosque regulis depellas,
quibus apud nos fuisti solerter imbu-
tus. Vale & anni, ad finem curren-
tis, exitu ingressuque noui utere feli-
citer. *Scippsi Halae Venedor. d. xii.*
mensis Dec. C1D1DCCXII,

IOAN. PETR. *S*udewig/ I Ctus,

Regi in Curia Iudicioque Heraldico eoque Supremo a Con-
filiis, Iurium ac Historiarum Professor atque Magde-
burgici Tabularii Praefectus, Ordinis I Ctor.
h, t, Decanus,